

Tok Gajah harap tuah Stadium Temerloh

Oleh ASZAHARI ALI | 28 April 2024, 1:30 pm



Sri Pahang bakal merasmikan jersi baharu musim 2024/2025 pada aksi persahabatan di Stadium MP Temerloh malam ini. - Foto oleh Shaikh Ahmad Razif/KOSMO!

PASUKAN Sri Pahang mengharapkan tuah gelanggang baharu apabila bakal bertemu Kelantan Darul Naim (KDN FC) pada aksi pramusim di Stadium MP Temerloh malam ini.

Ketua Pegawai Eksekutif skuad Tok Gajah, Datuk Mohammed Suffian Awang optimis pemain Sri Pahang mampu menyesuaikan diri sekali gus menewaskan pasukan dari negeri jiran pantai timur itu.

“Kita beraksi di Stadium keramat Temerloh dengan pasukan yang dilihat beraksi lebih baik dari musim lalu.

“Dengan persediaan awal di bantu pemain berpengalaman dan baharu ,mudah mudahan kita bermula dengan kemenangan,” katanya .

Mengulas lanjut, Mohammed Suffian turut berharap ribuan penyokong dapat datang memberi sokongan kepada pasukan Sri Pahang yang tidak asing dengan gelanggang itu selain Stadium Darul Makmur di Kuantan.

“Saya yakin penyokong setia Sri Pahang terutama kawasan Felda berhampiran akan membanjiri stadium walaupun hanya mampu stadium itu hanya mampu menampung sekitar 10,000 penonton sahaja,” katanya.

Sri Pahang diperkuat dengan 25 pemain iaitu 19 pemain tempatan dan enam import serta mengekalkan Fandi Ahmad sebagai ketua jurulatih untuk musim kedua. – KOSMO! ONLINE